



28/02/2025



MES 7 25 0000471986

გადაწყვეტილება

შპს „ბრიტანული სასწავლო უნივერსიტეტი საქართველოში“
"ბიზნესის ადმინისტრირების აღმასრულებელი სამაგისტრო საგანმანათლებლო
პროგრამა ფინანსებში" ინგლისურენოვანი სამაგისტრო საგანმანათლებლო პროგრამის აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ემუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული "უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27²-ე მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე, იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵-ე მუხლის მე-5 პუნქტის თანახმად, საბჭო ვალდებულია, დაასაბუთოს მის მიერ მიღებული გადაწყვეტილება.

1.2 „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ - ე მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის მე-4 პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის მე-8 პუნქტისა და აკრედიტაციის დებულების 27⁶ - ე მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „სრულად ან/და მეტწილად შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27⁵-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27⁶-ე მუხლის პირველი პუნქტის „ბ“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია

სტანდარტის მოთხოვნებთან” და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან ან „არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნული ცენტრის 2024 წლის 26 ივლისის №909988 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი "საჯარო პოლიტიკის და მმართველობის" ინგლისურენოვანი სამაგისტრო, "ბიზნესის ადმინისტრირების აღმასრულებელი სამაგისტრო საგანმანათლებლო პროგრამა ფინანსებში" ინგლისურენოვანი სამაგისტრო და "ბიზნესის ადმინისტრირების აღმასრულებელი სამაგისტრო საგანმანათლებლო პროგრამა მენეჯმენტში" ინგლისურენოვანი სამაგისტრო საგანმანათლებლო პროგრამების კლასტერის შეფასების მიზნით განახორციელა 2024 წლის 22 და 23 ნოემბერს.

2.2. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მადიებლის მიერ ცენტრისთვის წარმოდგენილი არგუმენტირებული პოზიცია.

2.3. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მადიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ ნაწილობრივ გაიზიარა ექსპერტთა დასკვნაში ასახული შეფასება, კერძოდ:

1.1 კლასტერული და პროგრამის ინდივიდუალური რეკომენდაციები გადავიდა რჩევებში ასევე, 1.2 კომპონენტში კლასტერის რეკომენდაცია გადავიდა რჩევებში. 1.3 კომპონენტში კლასტერის რეკომენდაცია ამოღებულ იქნა. ასევე, 1.3 კომპონენტში დაემატა კლასტერული რეკომენდაცია. 1.4 კომპონენტში კლასტერული რეკომენდაციები გადმოვიდა 1.3 კომპონენტიდან. 1.4 კომპონენტში პროგრამული რეკომენდაცია ამოღებულ იქნა. 1 რეკომენდაცია გადავიდა რჩევებში, საბოლოო ჯამში, აღნიშნულ ცვლილებებს არ გამოუწვევია პირველი სტანდარტის შეფასების ცვლილება.

4.1 კომპონენტში კლასტერის საერთო რეკომენდაციები გადავიდა რჩევებში, რამაც არ შეცვალა სტანდარტის შეფასება.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² -ე მუხლის პირველი პუნქტის, 27⁵ -ე მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ -ე მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ 14 ხმით არცერთის წინააღმდეგ:

გადაწყვიტა:

1. დაკმაყოფილდეს შპს „ბრიტანული სასწავლო უნივერსიტეტი საქართველოში“ მიერ წარმოდგენილი სააკრედიტაციო განაცხადი და დანართი №1-ით გათვალისწინებულ "ბიზნესის ადმინისტრირების აღმასრულებელ სამაგისტრო საგანმანათლებლო პროგრამა ფინანსებში" ინგლისურენოვან სამაგისტრო საგანმანათლებლო პროგრამას მიენიჭოს აკრედიტაცია 7 წლის ვადით - 2032 წლის 21 თებერვლამდე.
2. ცნობილ იქნას აკრედიტაციის ექსპერტთა ჯგუფის დასკვნა "საჯარო პოლიტიკის და მმართველობის" ინგლისურენოვანი სამაგისტრო, "ბიზნესის ადმინისტრირების აღმასრულებელი სამაგისტრო საგანმანათლებლო პროგრამა ფინანსებში" ინგლისურენოვანი სამაგისტრო და "ბიზნესის ადმინისტრირების აღმასრულებელი სამაგისტრო საგანმანათლებლო პროგრამა მენეჯმენტში" ინგლისურენოვანი სამაგისტრო საგანმანათლებლო პროგრამების კლასტერის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს 2025 წლის 28 თებერვლის №411240 ოქმის №03 ნაწილი ამ გადაწყვეტილების განუყოფელ ნაწილად (დანართი №3).

4. დაწესებულებას საბჭომ შესასრულებლად განუსაზღვრა შემდეგი რეკომენდაციები და რჩევები:

რეკომენდაციები:

- რეკომენდებულია დაკორექტირდეს კურიკულუმის რუკები პროგრამის სწავლის შედეგების განვითარების თანმიმდევრულობის კუთხით და განისაზღვროს თითოეული სასწავლო კურსის როლი თითოეული შედეგის განვითარებაში
- რეკომენდებულია, აკადემიური წერის / აკადემიური ინგლისურის კურსი გადატანილ იქნას არჩევითი საგნების კომპონენტიდან სავალდებულო საგნების კომპონენტში და სხვა სავალდებულო საგნებთან ერთად განისაზღვროს სამაგისტრო ნაშრომის წინაპირობად
- რეკომენდებულია, საჯარო სამართლის სასწავლო კურსი გადატანალ იქნას არჩევითი კურსების კომპონენტიდან სავალდებულო კურსების კომპონენტში, ვიანიდან საქართველოს სამართლებრივ სისტემაში მოქალაქეების და საჯარო მოხელეების უფლებების, ვალდებულებების და სამართლებრივი მექანიზმების ცოდნა აუცილებელია პროგრამის კურსდამთავრებულებისთვის
- რეკომენდებულია, "პროგრამაზე დაშვების მოთხოვნები და შეფასების კრიტერიუმები" წარმოდგენილი იყოს ოფიციალური მარეგულირებელი დოკუმენტის სახით.
- რეკომენდებულია ზოგიერთი სასწავლო კურსის (თანამედროვე ფინანსების შესავალი, ფინანსური აღრიცხვა, საერთაშორისო ფინანსები და გლობალური საფინანსო ბაზრები) შინაარსის გადახედვა, რათა იგი სრულად შეესაბამებოდეს სამაგისტრო საფეხურს და სტუდენტებს შესაბამისი დონის ცოდნა და უნარები მიაწოდოს. ამ კურსების სწავლის შედეგებიც საჭიროებს გადახედვას, რათა უზრუნველყოფილი იყოს მათი შესაბამისობა სამაგისტრო საფეხურთან.
- რეკომენდებულია, სილაბუსებს დაემატოს დეტალური ინფორმაცია საბოლოო პროექტების შინაარსის შესახებ. სილაბუსებს უნდა დაემატოს ინფორმაცია პროექტის შერჩევის, სტუდენტის მიერ კონცენტრირების სფეროების, ნაშრომის ფორმატის, რეკომენდებული წყაროების მითითების, ნაშრომის სავალდებულო მოცულობის და სხვა მსგავსი საკითხების შესახებ

რჩევები:

- მიუხედავად იმისა, რომ მიზნებში ნახსენებია ადგილობრივი და საერთაშორისო შრომის ბაზრის მოთხოვნების გათვალისწინება, სასურველია გაკეთდეს უფრო მკაფიო მითითება იმის შესახებ, თუ როგორ განხორციელდა მათი გათვალისწინება.

- სასურველია, პერსონალისთვის შემუშავდეს სტრუქტურირებული პროფესიული განვითარების პროგრამები შეფასების მეთოდების გამოყენების სტანდარტიზაციისთვის.
- სასურველია, გაძლიერდეს სამეცნიერო კომპონენტი, დაიგეგმოს მეტი აქტივობა და ღონისძიება მათ შორის სტუდენტების აქტიური მონაწილეობით.
- სასურველია, უნივერსიტეტს ჰქონდეს სტუდენტური პორტალი, რომელიც სტუდენტებს მიაწოდებს უფრო დეტალურ ინფორმაციას, როგორიცაა: გამოცდების ქულები, შუალედური შეფასებები, სწავლის საფასური, სერტიფიკატის მოთხოვნა.
- სასურველია, გამოცდების ქულების გასაჩივრებისთვის სტუდენტებს მიეცეთ 2 დღეზე მეტი ვადა.
- სასურველია, დაწესებულების შესაბამისმა სტრუქტურამ ყურადღება გაამახვილოს პერსონალის პირადი საქმეების მოწესრიგებაზე ინფორმაციის სრულად ასახვის მიზნით.
- სასურველია, უნივერსიტეტმა მოიძიოს გზები იმისათვის, რომ უზრუნველყოს წვდომა მაღალრეიტინგულ ელექტრონულ სამეცნიერო ბაზებზე.
- სასურველია, გადაიხედოს ბიუჯეტი პროგრამის განვითარების საჭიროებების შესაბამისად საბიუჯეტო მუხლების დაკონკრეტების მიზნით და წარმოდგენილი იყოს პროგრამის ფინანსური მხარდაჭერის წყაროები, როგორც პერიოდული, ასევე ერთჯერადი.
- გაუმჯობესების მიზნით, სასურველია პროგრამას დაემატოს ფინტექის მოდულები და მეტი პრაქტიკული სამეწარმეო სწავლება.
- საერთაშორისო ფინანსებზე სპეციალიზებული ორიენტაციას, რომელიც მოიცავს რეგულაციებს და საზღვრებსშორის მართვას, შეუძლია გააძლიეროს კურსდამთავრებულთა გლობალური კომპეტენცია. აღნიშნული დამატება პირდაპირ დაუქერს მხარს სწავლის შედეგებს საერთაშორისო ბაზრების შეფასების თვალსაზრისით.
- სასურველია, ბიზნესის ადმინისტრირების აღმასრულებელ ფინანსების სამაგისტრო პროგრამაში შემუშავდეს მყარი მექანიზმები შეფასების მეტრიკების ფინანსების დარგის სტანდარტებთან შესაბამისობის უზრუნველსაყოფად.
- სასურველია, უფრო მკაფიოდ ჩამოყალიბდეს თუ როგორ ითვალისწინებს პროგრამის მიზნები ინტერნაციონალიზაციას. მიზნებში უფრო კონკრეტულად უნდა იყოს გათვალისწინებული ინტერნაციონალიზაციის ასპექტები, განსაკუთრებით "ბიზნესის ადმინისტრირების აღმასრულებელი სამაგისტრო პროგრამისთვის ფინანსებში" და "ბიზნესის ადმინისტრირების აღმასრულებელი სამაგისტრო პროგრამისთვის მენეჯმენტში".
- სასურველია, ყველა პროგრამის მიზნებში უფრო კონკრეტულად აღიწეროს მათი წვლილი შესაბამისი დარგების და საქართველოს საზოგადოების განვითარებაში.
- სასურველია, გადაიხედოს პირველი მიზანი უფრო კონკრეტული და ზუსტი ფორმულირების ჩამოყალიბების მიზნით, სიცხადისთვის შესაძლებელია მათი დაყოფა ორ ნაწილად.
- სასურველია, მიზნებში უფრო მკაფიოდ იყოს ასახული ფინანსების დარგის და საზოგადოების განვითარებაში შეტანილი წვლილი.
- სასურველია, უნივერსიტეტმა გაითვალისწინოს კონკრეტული მიზნის ჩამოყალიბება, რომელიც ასახავს პროგრამის ორიენტაციას თანამედროვე ფინანსურ ტექნოლოგიებთან და ინოვაციებთან დაკავშირებით, ვიანიდან აღნიშნული წარმოადგენს ფინანსების სფეროში განვითარების მთავარ მიმართულებას.
- სასურველია, პროგრამას დაემატოს ახალი სავალდებულო სასწავლო კურსები, რომლებიც სტუდენტს მისცემს ფინანსური სისტემის სიღრმისეულ ცოდნას (ფინანსური ინსტიტუტები, ფინანსური რეგულაციები) პროგრამის მიზნის და შედეგების მისაღწევად. არჩევითი საგნების კომპონენტიდან ზოგიერთი სასწავლო კურსი შესაძლებელია გადატანილ იქნას სავალდებულო საგნების კომპონენტში (მაგალითად, კომერციული საბანკო საქმე).

- რეკომენდებულია მოწვეული და აკადემიური პერსონალის თანაფარდობა იყოს აკადემიური პერსონალის სასარგებლოდ.
- რეკომენდებულია გაიზარდოს აფილირებული აკადემიური პერსონალის რაოდენობა.
- კურსების დაბალანსებული განაწილების უზრუნველყოფის მიზნით რეკომენდებულია ახალი პროფესიონალების მოზიდვა და დაქირავება.
- რეკომენდებულია დამატებითი ზომების მიღება უნივერსიტეტის აკადემიური პერსონალის გასაძლიერებლად დოქტორის ხარისხის მქონე კვალიფიციური პროფესიონალების დაქირავების გზით.

5. საბჭოს აღნიშნული გადაწყვეტილება ძალაში შევიდეს 2025 წლის 21 თებერვალს.

6. საბჭოს მიერ გაცემული რეკომენდაციების შესრულების შესახებ ანგარიშის წარმოდგენის ვადად განისაზღვროს 1 წელი - 2026 წლის 21 თებერვლამდე.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24¹ მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ. თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) დაწესებულების ინფორმირების დღიდან, ერთი თვის ვადაში.

საგანმანათლებლო პროგრამების აკრედიტაციის საბჭო
მდივანი
ტეფნაძე დავით

დ. 07.06.25

საგანმანათლებლო პროგრამების აკრედიტაციის საბჭო
საბჭოს თავმჯდომარე
ლომინაძე თამარ

თ. ლომინაძე

